

職分論

中華書局印行

民國四年十二月
民國四年三月
再發行刷



譯者

發行者

印刷者

印刷所

(職分論) 全一冊

定價銀六角

洪雅葉農生

中華書局

中華書局

上海靜安寺路一九二號

中華書局

中華書局

中華書局

總發行所 上海福州路轉角

分發行所

北京天津奉天廣州長沙開封溫州長春
漢口南昌南京杭州濟南保定武昌太原
常德福州成都重慶雲南徐州西安汕頭
香港廣州衡州貴陽桂林潮州安慶梧州
東昌廈門蘭谿那台綏化煙台鄭州梧州
石家莊黑龍江張家口哈爾濱新加坡

職分論原序

余編纂自助論。迄今已二十四閱寒暑矣。自助論之出現。實維一千八百五十九年。爲脫羣後之第三年。當時余僑居利得市。常爲一般青年。講演訓練修養。大旨謂吾人苟欲作成偉大之性格。增進安寧幸福。惟在正直勤勉。遂行義務。職分。講演多日。結果甚佳。諸青年至成長以後。類能顯著信用。占社會最有責任之位置。

講演既終。積藁盈寸。暇時略詮次第。而附以自助論之名。授諸出版業者。初遭拒絕。蓋其時克利米戰爭紛擾未定。書肆受其影響。營業狀況不良。非對於自助論有多求也。

自是經三年後。始獲出版。各地新聞雜誌。一一加以讚辭。此書遂不脛而走矣。歐洲諸國。流傳殆遍。遠至印度日本。皆有譯本印行。在美尤受歡迎。購閱者且多於英國。

自助論出版後。又十三年。（其間尙有他種著作出版）余始以品性論問世。此書乃爲一般青年男女。示高潔生涯之模範。故於古人懿行。徵引獨多。基士勒里嘗謂近世之文學家。爲人作傳記或著書。恆以徵引佚事爲嫌。實則佚事之中。多饒興趣。感人尤爲深切。

希耳達克亦云。觀人於顯著事業中。不易得其人之真相。惟瑣細之言語。及不甚經意之行爲。最足見人品性。皆確論也。

其後又經五年。復撰著勤儉論。具言勞勩神聖。而歸本於勤儉儲蓄。謂人苟欲維持自身獨立。及其家族安寧。不可不於全部收入之中。常儲蓄其一部。昔人謂世界文明之進步。與勤儉爲正比。世愈文明。人愈勤儉。本論卽引此爲根據而發揮之。出版以來。議院受其感動。致發布獎勵儲蓄之法令多種。又於各地。增設儲蓄銀行。而一般勞動者之儲蓄金。亦逐年遞增其總額。

勤儉論出版後五年。始成此職分論。此書與上述各論本。互相關聯。余切望此書發行後。不爲閱者吐棄。一如上述各論。能獲取充分之效益。書中徵引善行。一一皆偉大人物之實例。此等職分行爲。有時雖歸失敗。猶足爲人類生活之目標者也。此後尙有理論。殘存於余之腦海者。會當搜剔出之。貢諸當世。

一千八百八十年十一月著者識於倫敦

職分論

目錄

第一章 職分 良心

第二章 行爲上之職分

第三章 正直 眞實

第四章 金錢不能收買之人

第五章 勇氣 忍耐

第六章 沙威奈羅

第七章 海軍軍人及水夫

第八章 陸軍軍人

第九章 博愛

第十章 傳道之勇氣

第十一章 行善之勇氣

第十二章 同情

第十三章 對於動物之同情

第十四章 對於馬之慈悲

第十五章 責任

第十六章 人之最後

職分論

第一章 職分 良心

凡夫世界人類具有生存目的。匪惟自利。亦曰利他。蓋職分存在使然矣。希羅古勒氏之言曰。我等生存此世。有多個同心圓圍繞。皆以己爲中心。心外第一圓周。包含父母妻子。第二圓周。包含親戚血族。第三圓周。包含同國同種之人。最後圓周。則綜括全世界之人。此言人類相互間之關係。卽職分所由發生已。

欲對於人類盡職分。不可不開發神所授與自己之能力。茲所稱爲神者。卽指導我等之意志之最高意志也。職分範圍無限。故雖造次顛沛。皆爲職分存在之時。而貧與富。可勿論矣。

聖得亞維遏什敦曰。汝欲爲偉大人物乎。首當謹汝細行。汝欲建偉大功業乎。當益進汝謙讓之德。蓋大業爲細行之積。而謙讓實衆善之門。又最美麗之冠冕也。善盡職分之人。恆於不觸目處。刻意爲之所爲。又極高尚且常屬獻身的者也。人類之一

切職分中最切近者爲對神之職分。次爲對家族之職分。次爲對隣人之職分。次爲對同胞之職分。次爲對國家之職分。卽國家對於其臣民亦有職分存在。是等職分實多於隱秘中行之。且尤須認爲永遠無窮之義務。

我等公的生活。他人無不知之。私行上精神的生活。知者蓋鮮。此生活價值之有無。悉藏於吾人方寸中。人類各有靈魂。人莫得而殺之。殺之者。其人之自身而已。

有以狹義解釋職分之言。按之最真切者。德國大文豪哥的曰。吾人眼前所應行之事務。日日行之。卽職分也。又曰。世界上之最良政府。在以自治之法。教其人民。此數語推爲一時之名論。希臘倫理學者布爾特古。嘗語托拉吉帝。陛下推行政治。當以己身立極。抑制胸中情慾。卽一切政治基礎矣。

職分爲獻身的。然必視其目的。如何。若目的不屬於利他。則雖自獻其身。終不得名之曰職分。在昔羅馬勇士。有以格鬪博金錢者。聚羣勇士於一舞臺。肉袒相搏。或且與猛獸搏。常至毀傷肢體。危及生命。可謂勇矣。然一究其奮勇之故。則純爲激刺觀客之熱心。以謀多獲金錢。費撒羅征服墨西哥。勇冠一時。其目的亦正同於格鬪者。名之曰人類之職分。

不可得也。

處此晦盲否塞之世。當執唯一方鍼。使人人各具職分之觀念。使徒約翰有言。汝當以人所欲得者。施之於人。維爾赫爾姆之言曰。汝勿以己之幸。不幸置汝念中。唯一心盡汝之職分。則雖不求幸福。而幸福自來矣。

盡職分之觀念。常現於軍人生活中。距今八百年前。羅馬火山爆裂。附近有波牟貝市。城爲碎石熱灰所掩覆。全城盡燬。當火山初爆裂之時。市人紛紛逃避。獨彼守軍數輩。鶴立煙燄之中。飽受燠灼。窒息而死。今其兜矛之屬。尙存奈爾斯博物院。彼等銜命守城。與城同燼。斯可謂能盡職分矣。

距今凡百年前。美國南部諸州。偶遭日蝕之變。空間全黑。邦人大恐。咸以爲世界之末日將至。維時哥內的吉州之立法議會。在議事進行中。多數主張閉會。議員名勃脫者。力抗撓之。所持理由。謂果屬世界審判日。尤當各守場所。勉盡職分。以聽神之審判。因提議熱燭於會場。繼續議事。卒貫澈其主張。自由者。職分根柢也。人苟欲行公之職分。或確立個人之性格。皆不可無獨立自由社會。

上多數之壓制。較諸個人壓制爲禍尤烈。美人德諾有言。近世之所謂自由者。蓋以言論縛束。代封建制度之縛束而已。吾人欲盡職分。首當脫此縛束。於思想上。於行爲上。皆須有完全自由也。

自由一語。在世界人類中。至爲有力。然人或不善用其自由。時亦常有因之造成惡孽者。希臘詩人梅蘭特曰。我等胸中之神。卽我等自己之良心。此語發於紀元前三百年。早已爲世界所公認。是故良心一語。在一切社會中。較諸獨立自由。爲力偉也。

良心爲精神上一種特別動作。又可稱宗教的本能。在於我等心中。當高低性質互鬪時。頻頻出現。卽靈與肉戰時。善者打勝惡者之結果也。故無論宗教信仰者。及彼不信仰者。莫不有此種生死之戰爭。凡人欲行善事。不能遂行。心中常懷苦悶。職是故矣。

世間一切宗教。皆緣於上述之苦悶而生。宗教云者。導我等於代表良心法則之神前之最高法則也。基隆摩篤留曰。一切宗教建設。莫不以反省爲基礎。蓋吾人必屢經內心戰鬪。識得真相如何。而後思求助力於勝己者。解除戰鬪苦悶。且賴其感化力。區別種種善惡而選擇之。依此選擇自由。遂發生道德上責任。

世有不遵循此最高法則之人。爲利己心或感情所誘惑。消失其抵抗力。作惡無憚。此等人非能死滅良心也。蓋良心之在人。雖踐之於足下。或作墳墓而埋葬之。終不死滅。人當斷行惡事之一瞬間。必生遮止之念。決不能閉目塞耳而進行。是卽良心生存之實證矣。蓋良心之性質。永久普遍。爲個人性格之根本。吾人各依良心。獲得自制克己之力。抵抗一切誘惑。始能斷行自己。所確信之正理。及人類共由之大道。若在意志薄弱之人。其思想及行爲。皆不以良心爲準則。或屈服於境遇。或漸染於習俗。是己身直爲他人之反響而已。

良心完全發達之人。常欲求含有最高意味之幸福者也。哈巴斯本撒曰。凡最開化之人民中。無不信人類之最高幸福。爲依神意而求得者。此說在世界宗教家。及以外之道德學者。皆能一致贊同。可謂不刊之名論矣。

不服從神意及良心之人。決不能享受最高之幸福。彼之快活途徑。肉慾而已。智的娛樂而已。彼惟取慾望中事件。懸爲目的。而不惜趨程以赴之。不知是等行爲。適爲自然法則之所反對。故我等對於自己性質之下等部分。決不當服從也。

無論爲個人或國民。於一切行爲上。若但有感情及智慮。而無支配其行爲之良心。終必流於墮落。且至覆滅。觀於在俄國及德國之虛無黨。法國巴黎之社會黨及共產黨。思過半矣。此等主義。若使在社會上。得占強盛勢力。其結果必使個人的道德。社會的國民的道德。同歸於敗裂而後已。

今爲物質主義橫行之世。故凡目所未見。手所未觸。及一切不能理解者。人皆置諸不論。以對之。無信念。故也。雖然。吾人所絕對的得理解者。果何在乎。吾人所得知之事物。等於鏡中窺影。不過得觀察其表面。堅持物質主義。以詮索人生神秘者。是猶以鑿攻枘。不相入也。

相傳有一青年。言於土枯特耳。謂世間不能理解者。都不之信。土枯特耳斥之。謂此言殊無辯論之價值。又昔尼斯密斯。在宴會中。語一物質論者。謂此庖人之烹調法極善。無論付以何物。皆能製成佳品。彼物質論者和其說。斯密斯氏徐曰。君爲物質論者。亦信此未經見之庖人乎。

世間不能了解之物。必不可對之消滅信念者。爲例極多。繁星麗於太空。而不失運行之

軌道。我等所棲息之地球。晝夜自轉一次。年迴轉太陽之週圍一次。欲探索此現象原因。其何可得。然明明有事實存在。固不能對之消滅信念也。

昔東方有至人曰孔氏者。以智仁勇三事立生民之準則。其學說傳演數千年不墜。今就其曰智曰仁曰勇者。細剖析之。無一非良心所產物。蓋人生之一切行動規則。皆以發生於良心者爲極正也。

梭格拉第。古希臘大哲學家也。今世之哲學家。羣奉之爲鼻祖。著書至夥。嘗集弟子而教育之。以啟發人類道德心。引爲己任。古今來能盡人生職分者。斯人無間然矣。

梭格拉第。在紀元前四百六十八年。生於希臘雅典。受當日之最高教育。少年時以彫刻得名。及長。編入兵籍。宣誓詞云。余誓不瀆用國家授於我等之神聖武器。余誓不離去國家。命余守衛之場所。波伊特之戰爭。貴族亞基比底。陷入敵中。梭氏突圍而進。負之出險。以此得比於勳章之櫛冠。其後亞基比底。執贄門下。亦成當代名人。

中年罷免軍役。改就文官職任。仍不失其剛果之氣。反抗暴君虐政。輒以死爭。卽對於徒黨之非難。亦不稍存畏葸。亞爾基隆之戰。司令官以不封殮軍人之遺骸被劾。梭氏知其

冤抑力爲辯護。激怒軍人遺族。坐是免官。被劾者卒受有罪之宣告。

梭氏自免官後。遂委身於教育事業。常以人類思想行爲之範圍及價值爲人講述。或於工廠。或於學校。或於街衢。無不踴勉從事。當時希臘各地。適丁懷疑妄想極盛之時。梭氏力主實行。挽救其弊。時有一絕大之疑問。苦希臘人頭腦。至今日猶費多數學人研究者。梭氏以一言解決之。其疑問爲人生果有生之價值否乎。梭氏解決之言。但曰人須反省。意謂人當履行道德之途。求得幸福。卽所謂生之價值也。

梭氏負教育之責任。遍游希臘各地。一時賢哲之士。從遊頗衆。其門徒亞理斯的保。餽以多金。拒而不納。常語人曰。余之從事教育。非爲金錢。蓋欲普及教育於世人也。又謂依余教化之力。能目擊當世之人類。獲其利益。卽余當受之報酬已。

梭氏教人之法。純用口頭講演。不以書冊。常探求事物之根源。以認爲確實之部分。據作真理標準。用爲彼教授之資料。常謂道德爲統一的。又謂哲學之有益者。在教人以道德上之義務。及宗教的冀望。謂舍此卽哲學不能存在。論政治以人爲基本。謂雖有良政治。而不得適當人材運用之。其効不顯。

梭氏至七十二歲時。被檢察官告發。謂彼倡爲異說。誘惑青年學子。又非毀國家信奉之神道。坐是繫獄。至審判之結果。宣告死刑。在獄中羈囚三十日。朋輩詣獄省之。彼仍危坐講學。略無倦容。其門徒革利突。授以逃獄手段。彼峻卻之。至臨難日。從容仰藥而死。英教士馬克拉篤者。一日在格刺斯哥某食堂。向勞働者說教。至於品性一語。反覆丁寧。意至深切。略謂修養品性。爲吾人一生之要圖。女皇維多利亞之壻。亞爾巴篤親王。死後所遺重寶。厥惟品性。世間窮困之人。每謂修養完全品性。爲吾輩窮困者所不可能。此大謬也。品性在人。無貧富之區別。今滿堂聽衆中。不問男女。不問貧富。苟欲遺重寶之品性。於世。如亞爾巴篤親王者。殆無一人不能。後世子孫。祈禱上帝之前。猶得爲追述之詞曰。余祖若父。畏神之男子也。曰余母敬神之女也。云云。

品性者何。蓋由克己。獻身。愛與職分。諸種親切行爲。及以忠實。遂行小職分之行爲。併合成立者也。品性之良善者。以家庭感化力爲多。忠於小事之人。未有不忠於大事者。不經心之言語。不注意之行爲。最足覘其人之品性本質。對於細微事件。親切行之。養成良善習慣。感化力自易及於子孫矣。

第二章 行爲上之職分

職分觀念強者。能斷行所信。而無憚。世間無論何人。決無自己行爲。不能從自己意志者。惟職分之大道。非能蕩平如砥。聽人一往直前。毫無阻礙。人於職分途中。往往有受刼於猛獅。而返旆還轅者。故欲斷行職分之人。須以養成大勇爲急務矣。

凡人斷行一事。當決定方鍼時。先揣度世人之迎拒如何。是其人已無堅確之意志。所事安望有成。惟以斷行之事。認爲自己職分。無與他人。是其信念已立。雖有非難攻擊。胥不足阻礙其進行。克勒德耳有言。吾人對於善行。須當信而不疑。信其善而行之。雖遭失敗。終勝於疑而自阻也。

欲圖偉大事業。不可無強意志輔之。固已。惟具有強意志。而不引導之於善的方面。終化爲造惡之強力。不可制止。不觀彼虐政家之強意志。大類人間惡魔。爭奪權勢。竊據非常。至不惜犧牲數百萬生靈。以求逞其大欲。亞歷山大及拿破崙。是其例矣。

反之有強意志。與正之動機相合者。其自身常能處於幸福安樂之境地。又能啟發人之職分觀念。使同赴高尚之目的。進行對於怯懦之人。能使之回復其勇氣。對於怠惰之人。

能與以痛切之激刺。使之奮然興起。且其感化力之偉大。常能及於數千百年以後。受賜者不獨並世之人也。

有強固善意志之人。有強固惡意志之人。斯二者殊不足以概人類。二者之外。尙有意志薄弱之人。及無意志之人。要皆爲無品性之人。彼等既不能爲巨善。亦不能爲巨惡。直一種容受外界激刺之機械。又如風中蔓草。隨風偃仆。曾無一定方向。彼等懷抱之中。無所謂主義及目的。亦不知有對人及事物之熱心。長爲不注意的。爲受動的。爲涼血的。爲卑屈脆弱的。世界任何國度之中。此種人皆占大部分。良可慨已。

由是觀之。吾人實不可不注其全力。養成強固意志。若強固意志缺乏時。必至不能獨立。鑒氣節。墮品行。蔑真理。毀道德。胥由於此。而吾人強固意志之養成。常在青年時代。青年心境開豁。能吸收多量有用之真理。自不難排除情慾於外界。扶植正確主義。使形成左右生涯行動之基礎。惟此時期至促。不能終身存在。若不幸逸去此時期。則吾人之意志。將化爲不動的法則。情慾日益伸張。其勢力至於不可抑制時。而吾人之一生毀矣。學校教授。與道德殆無何等之關係。所謂智的教育。其影響不及於生涯行動。卽倫理道。